

Inuussutissarsiornermut Aatsitassarsiornermut Sulisoqarnermullu Naalakkersuisoqarfik  
Inuussutissarsiornermut, Aatsitassanut Suliffeqarnermullu Naalakkersuisoqarfik

NAALAKKERSUISUT

GOVERNMENT OF GREENLAND

Formandens Departement

Ingerlatseqatigiiffinnut allattoqarfik

Att: Rasmus Pedersen

Imaneq 1 A - 901

Postboks 1015

3900 Nuuk

03. september 2013

Sagsnr. 2013-087843

Dok. Nr. 1321706

Postboks 1601

3900 Nuuk

Oqarasuaat (+299) 34 50 00

All. (+299) 32 56 00

E-mai!: [isiin@nanoq.gl](mailto:isiin@nanoq.gl)

[www.nanoq.gl](http://www.nanoq.gl)

Nuummi nutaamik umiarsualiviliortoqarnissaanut aalajangiiffigisassatut siunnersuummut tunngatillugu Inuussutissarsiornermut Aatsitassarsiornermut Sulisoqarnermullu Naalakkersuisoqarfiup (IASN) ulloq 4. juli Nuummi nutaamik umiarsualiviliornissaq pillugu aalajangiiffigisassatut siunnersuummut missingiummut tusarniaassut tiguaa. IASN makkuninga oqaaseqaatissaqarpoq:

Aalajangiiffigisassatut siunnersuutip missingiutaanut imatut tunngavilersuisoqarpoq:

"Nuummi umiarsualivik umiarsuarnik anginerusunik tulaffigineqarsinnaalissaaq til nunamullu tamarmut pingaarnertut umiarsualivittut atuutilissalluni. Taamaalilluni sunniuteqarnerusumik nuna tamakkerlugu sullinneqarsinnaalissaaq, tassa usit Kalaallit Nunaannukartut umiarsuarnik anginerusunik nalinginnaanerusunillu aamma avatangiisinut ajoqutaanngitsunik assartorneqarsinnaalissammata. Usit umiarsuarnut umiarsualivinnut mikinerusunut tulattartussanngorlugit immikkut ittumik sanaanut Nuummi nuunneqarsinnaanngussapput."

Tassunga ilassutitut IASN-ip erseqqissaatigissavaa, Nuummi umiarsualivissap, qulaani allassimasutut nunamut tamarmut pingaarnertut umiarsualivittut suliffeqarfiit aatsitassarsiornermik ingerlatsisut aalajangersimasumik assartuinissaannut killilersussanngimmagit imaluunniit pituttussanngimmagit. Taamatummi killilersuinerit pisussaaffilersuinerillu kingunerisinnaavaat, suliffeqarfiit aatsitassarsiornermik ingerlataqartut attaveqaatitigut sanaartornernut pisariaqanngitsumik aningaasartuuteqalernerat, tassa ujaasilluni imaluunniit paaalluni sulianut attuumassuteqanngitsunut aningaasartuuteqalersinnaapput. Aatsitassarsiornerup ineriartortinneqarneranut iluaqutaasumik aningaasaliissuteqarnissaq anguniarlugu IASN isumaqarpoq, suliffeqarfiit aatsitassarsiornermik suliaqartut assartuinermit

aaqqiissutissat ujaasinermut piiaanermullu naleqquttut pilersaarusiornissaannut sapinngisamik kiffaanngissuseqartinneqartariaqartut.

Nuummi nutaamik umiarsualiviliornissamut pingaarnertut tunngavilersuutaapput Kalaallit Nunaata nalinginnaasumik nioqqutissanik pilersorneqarnera aamma aalisakkat avammut nioqqutigineqarnerat.

Aamma qulaani tunngavilersuutini IASN-ip maluginiarpaa allassimasoq, usit Kalaallit Nunaannukartut umiarsuarnit anginerusunit nalinnginnaanerusunillu aamma avatangiisinut ajoqutaanngitsunit assartorneqartalernissaannut umiarsualivik nutaaq pieriarfissiissasoq. IASN taamatut ineriartortitsinissamut isumaqataalluinnarpoq, tassa nunatsinnut, nunatsinniit aamma nunatta iluani usinik pilersuinermi unammilleqatigiissinnaanermik tamanna periarfissiissammat, IASN-imit nalilerneqarpoq tamatuma Kalaallit Nunaat akikinnerusumik naammassisaqarfiunerusumillu pilersuisinnaatilissagaa.

Taamaammat IASN inussiarnersumik qinnuiginnippoq qulaani pineqartoq naapertorlugu aalajangiiffigisassatut siunnersuummut missinngiummi tunngavilersuutit allanngortinneqassasut.

Nuummi nutaamik umiarsualiviliornikkut umiarsualivimmi atugassarititaasunut nutaanut oqaaseqaatit.

Qulaani oqaaseqaatigineqartut saniatigut Nuummi umiarsualiviliornissamut atatillugu misissuisimanermut IASN imatut oqaaseqaatissaqarpoq. Inuiaqatigiit aningaasaqarnerannut kinguneqaatissat pillugit Rambøllip nalilersugaani qupperneq 24-mi takuneqarsinnaavoq, aalajangiiffigisassatut siunnersuummut missingiummi aallarniutigalugu oqaatigineqartoq Nuummi umiarsualiviup allilerneqarneratigut aatsitassarsiornerup iluani ujaasisartunut nunaminertanik uninngatitsiviusinnaasunik pilersitsinissamut periarfissaqalissasoq. IASN-ip taamatut nunaminertanik pilersitsisinnaaneq isumaqatigaa, tassa qulaani oqaatigineqartutut suliffeqarfiit aatsitassarsiornermik ingerlatsisut assartuinermi aaqqiissutissanut aalajangersimasunut pituttorneqanngippata aamma Kalaallit Nunaanni ujaasineq piiaanerlu akitsorsaaffigineqanngippata.

Ikummatissanik ujaasinermi umiarsualivitsigut atortorissaarutinut allanut tunngasut Taamaattoq ingerlatseqatigiiffiit maannamut misilittakkaminnik oqaluttuarnerat aallaavigalugu IASN isumaqarpoq, Nuummi umiarsualiviup allilerneqarnissaat aamma Sisimiuni umiarsualiviup allilerneqarnera naammannngitsut suliffeqarfiit uuliasiortut Kalaallit Nunaata imartaani uuliasiornissamut soqutiginnitsiinnarnissaannut. Taamaammat IASN isumaqarpoq, Nuummi nutaamik umiarsualiviliornermut atatillugu nunatsinni umiarsualiviit allat atortorissaarutaat umiarsualivinnilu pissutsit qanoq inneri qulaajarlugit misissorneqartariaqartut. IASN-ip isumaa malillugu taamatut qulaajaalluni misissuinerup Nuummi umiarsualivimmut nutaamut umiarsuit tikinnerannut atatillugu nunamut tamarmut usinik sullissillualernissaq siullertut qulakkeereqataaffigissavaa. Aappaatut taamatut qulaajaalluni misissuinerup suliffiit uuliasiortut Kalaallit Nunaata imartaani uuliasiornissamut pilersaarusiornermut atatillugu aallaavittut umiarsualivigisinnaasaannik sukkanerusumik takunnissinnaalersissavai. Pingajuattut taamatut qulaajaanerup Kalallit Nunaanni oqartussat uuliasiordiillu soqutiginnittut takunnissinnaalersissavai uuliasiornermut atatillugu ingerlatseqatigiiffiit umiarsualivigisinnaasaanni sunik

unammilligassaqaqarnersoq. Qulaajarneqartariaqarput umiarsualivinni pissutsit, soorlu umiarsualiviup imartaata qanoq innera qanorlu talittarfittaata takitiginera aamma atortuisa allat qanoq inneri (kranit quersuillu il.il.)

Aatsitassarsiorfinnik pilersitsinermut atatillugu umiarsualivinni atortorissaarutitut tunngasut. Umiarsualiviittaaq aatsitassarsiorfinnik pilersitsinermut atatillugu pingaaruteqarluinnartuupput. Umiarsualiveqanngippammi saviminissat aatsitassallu piareersarneqarsimasut umiarsuakkut nassiussorneqarsinnaanngillat, nassiussuisinnaanermi nunani tamani aningaasaliissuteqartartut Kalaallit Nunaanni aatsitassarsiorfinnut aningaasaliissuteqarusunnissaannut pingaartueqarluinnarpoq. Ingerlatseqatigiiffiit Kalaallit Nunaanni sanaartugassanik annertuunik aatsitassarsiorfinnillu pilersitserusuttut namminneq umiarsualivimmik pilersitsisussaapput. IASN isumaqarpoq sanaartugassat annertuut aatsitassarsiornerillu ineriartortinneqarneritut iluaqutaassasoq, aalajangiiffigisassatut siunnersuutip nassiunneqartup malitsigisaanik umiarsualiviit pillugit inatsisissamut mutaamut missingiummik UPA2014-imi saqqummiunneqartussamik suliaqartoqannginnerani umiarsualivimmik sanaartornissamut ingerlatsinissamullu tunngatillugu suliaqartut pisariaqartinneqartut, soorlu oqartussaasut suliaqartut, misissueqqaarnissat, avatangiisinik nalilersuinissat kiisalu imaatigit sullissinissat suussanersut paasiniaqqaarneqarpata. IASN-ip isumaa malillugu umiarsualiviit sananeqarneritut ingerlanneqarnerinullu atatillugu suliaqartut pisariaqartinneqartut taakku paasineqarpata Kalaallit Nunaanni umiarsualiveqarnermut tunngatillugu kissaatigisatut atugassarititaasut pilersinneqarnissaat pillugu inatsisigut siunertat naammassineqassapput.

Umiarsualiviup nutaap ingerlanneqarnissaanut tunngavissap suliarineqarnerani pingaarutilimmik siunertarineqarpoq assartuinerup aamma nioqqutissat ingerlaartarnerannik aqutsinerup iluani inuussutissarsiutit nutaat suliffeqarfiillu ineriartortinneqarnissaat. Sunniuteqarluartumik assartuisinnaaneq aamma attaveqaatit aningaasartuutitigit nunanut tamalaanut unammillersinnaasut pingaaruteqarluinnarput aatsitassarsiornerup ineriartortinneqarnissaanut nunanit allani aningaasaliisartut aningaasaliissuteqartinnissaannut attatiinnarneqarnissaannullu

Nuummi nutaamik umiarsualiviliornissamut atatillugu oqartussaasut suliamik siunissami ingerlatseqqinnissaannut IASN peqataarusulluinnarpoq.

Inussiarnersumik inuulluaqqusillunga  
Inussiarnersumik inuulluaqqusillunga

Mathias Barfod  
Toqq/direkte 346729  
Maba@nanoq.gl